

* **Veturi** (ntr). 1 Iri ne paŝante, sed transportate per diversaj rimedoj : *morgaŭ mi ~os Parizon Z* ; *~i per kaleŝo B*, per aviadilo, en vagonaro B, sur ŝipo B, je ĉevalo (Kp RAJDI) ; la princo permesis al li *~i kun si k ili ekgalopis B* ; aer~i, mar~i, ŝip~i, vel~i (~i en aero, maro, per ŝipo, velo). (Vd KRURO, PASAĜERO.) 2 Translokiĝi pp ~iloj : *~as vagonaro Z*, ŝipo B, biciklo B, fiakro. ~igi. 1 Transporti per diversaj rimedoj : *jen la lokomotivo, kiu nin ~igos* ; *~igi grenon al bazaro B* ; li metis la kadavron sur la azenon k *~igis ĝin returne Z*. 2 Direkti ~ilon : *malgranda kaleŝo, ~igata de unu knabo Z* ; *~igisto* (Kp AŬTISTO, KOĈERO, MOTORISTO, KONDUKTORO, ŜOFORO). ~ilo. Ilo por transportado, konsistanta esence el iaforma kesto, k plejofte radoj aŭ glitiloj : *en somero ni ~as per diversaj ~iloj, k en vintro per glit~ilo Z* ; *naĝ~ilo Z*. El~i (ntr). Eliri ~ante : *li ĵus el~is hieraŭ*. En~i (ntr). Eniri ~ante : *la kaleŝo en~is en la korton B*. Re~i (ntr). Reveni ~ante. Tra~i (tr). Trairi ~ante : *tra~i la tutan Eŭropon B*. Trans~i (tr). Transiri ~ante : *trans~i maron*.

* **Veziko**. 1 Organika membrana sako : *urin~o, naĝ~o*. 2 Globeto, konsistanta el tre maldika flueca haŭteto, k entenanta aeron aŭ gason : *vapor~o* ; *sap~o* (formiĝanta en sapa akvo k povanta ŝvebi kelktempe en aero) ; *tiu sapa ~o, la amo Z* ; *feliĉo ~e sin levas sed baldaŭ falas k krevas Z* (Kp ŜAŬMO).

* **Veziro**. Turka ministro.

* **Vi**. 1 Pronomo de dua persono en pluralo. 2 Gentila formo, uzata anstataŭ ci por dua persono en singularo. RIM. : La predikato de tiu pron. akordiĝas ne laŭ formo, sed laŭ senco : *sinjoroj, vi estas neĝentilaj Z* ; *sinjoro, vi estas neĝentila Z*.

Viadukto. Alta ponto, ofte el pluraj vicoj da arkadoj, konstruita super rivero, valo ktp.

* **Viando**. Karno, uzata por nutrado : *la ŝafid~o estas tre delikata* ; (f) *ĝi estas nek ~o, nek fiŝo Z* (= dubsenca). (Kp ABSTINI, VEGETARANO.)

viatiko (K). Lasta antaŭmorta komunio.

Vibri (ntr). 1 Esti agitata de interna movo, pro kiu molekuloj de korpo iras k reiras trans fiksa punkto, k kiu komunikigas al la medio : *~as kristala glaso, sonorilo, tamtamo* ; (f) *ĉiuj ~as* (ekscitiĝas) *pro ĝojo*. Kp TINTI, SONORI. 2 Formoviĝi el sia ekvilibra pozicio k tien reveni per alterna regula movo : *~as kordoj, vergeto, molekuloj* ; (f) *~igi la internajn kordojn de la koro* (eksciti iajn sentojn). Kp BALANCIĜI, PENDOLI. 3 Sonori laŭ alternaj laŭtigoj k mallaŭtigoj : *iafoje ek~is en la aero malklaraj sonoj de flutoj B* ; li diris per flama, ~anta voĉo ; *liaj paŝoj ~is tra la silento* ; (f) : *enluziasmo ~as tra la tuta parolado* ; *mil ĝojaj sentoj ~as tra l' koroj*. ~o. Iu el la alternaj movoj de ~anta korpo : *la ~oj de sonorilo, kordo, pendolo*.

* **Viburno**. Veg. el fam. kaprifoliacoj, blankflora k ruĝfrukta (*viburnum*).

* **Vico**. 1 Sinsekvo da personoj aŭ objektoj aranĝitaj laŭ unu linio, unu apud aŭ post alia : *la rivero fluas inter du montaj ~oj B* ; *birdoj fluge sekvis en du longaj ~oj Z* ; *~oj da dometoj en vilaĝo B* ; *~oj da soldatoj ; la regimento staris en ~oj B* ; *la unua ~o de seĝoj en teatro B, de arboj en ĝardeno B* ; *estis la lasta en la ~o* ; *la Filiŝojn starigis siajn ~ojn kontraŭ Izrael Z* ; *vi trovas en la ~oj de niaj societanoj fervorajn amikojn ; dent~aj frontonoj Z* (prezentantaj ~on da dentoj). Kp ĈENO, ARO, SERIO, PROCESIO, SPALIRO. 2 Longa sinsekvo da okazoj aŭ momentoj en la tempo : *dediĉi tutan ~on da jaroj al la ellernado de la latina lingvo Z* ; *pasos kredeble ankoraŭ ~o da jaroj, antaŭ ol la afero estos decidita Z* ; *post longa ~o da batalado k suferoj Z* ; *ŝia konduto prezentis ~on da nekonsekvencaj agoj B* ; ĉio, kio okazis al mi estis ja ~o da mirakloj B. 3 En serio da alternaj movoj aŭ agoj, momento, je kiu ĉiu el ili plenumiĝas : *nun estas via ~o ludi* ; *la parol~o estas por vi* ; *ĝis nun oni atakadis aliajn urbojn, nun venis la ~o al nia urbo Z* ; *plenumita via ofico, nun pasis via ~o Z*. ~e. Laŭ ~o(j) : *cent salonoj troviĝis ~e unu post la aliaj Z*. RIM. La radiko vic estas ankaŭ prefikse uzata por montri personon, kiu helpas k laŭbezone anstataŭas alian : *~prezidanto, ~reĝo* ; *~lui, ~luigi*. Laŭ~e. Ĉiu je sia ~o ;